



UNIVERSITÄTS-  
BIBLIOTHEK  
PADERBORN

**Demonstrationes  
Chronologico-Historico-Juridico-Canonicæ**

**Callenberg, Caspar**

**Coloniae, 1734**

§. Tertius. Propinat alias indirectas Responsiones.

---

[urn:nbn:de:hbz:466:1-63192](https://nbn-resolving.org/urn:nbn:de:hbz:466:1-63192)

Collegia  
sunt mixta

totius Belgii tam uniformis, tam diuturna; misellam, novellam, & invitâ Minervâ editam, Advocatorum Romanorum Exceptiunculam de Collegiis *Mixtis*, omnino enervat? explodit? exsufflat?

S. TERTIUS.

*Propinat alias indirectas Responsiones.*

Nu. 140.  
Ex Doctri-  
na Adver-  
sariorum  
sequitur.  
Præstans-  
sima que-  
que Cano-  
nissarum  
Collegia  
contra  
communē  
Auctorum  
sententiam  
non subja-  
cere Capiti  
Indem-  
nitatibus

**S**IMixta Canonissarum Collegia non cadant sub caput *Indemnitatibus*, quòd Mixta sint casus in Jure omissus, & caput *Indemnitatibus*, utpote correctorium Juris non sit ad Mixta extendendum, sequitur primò, quòd pleraque omnia Secularium Canonissarum Collegia, quæ tempore Bonifacii VIII. extiterunt, saltem maximè insignia, illustrissima, & splendidissima, v. g. *Andennense*, *Borghorstanum*, *Coloniense in Capitolio*, & ad *S. Ursulam*, *Diekirchianum*, *Edelstadiense*, *Eltinense*, *Essendense*, *Freckenhorstanum*, *Herisense*, *Malbodiense*, *Monasterio-Belisiense*, *Monasteriense S. Fregandi*, *Montense*, *Niedermünstrense* apud Ratisbonenses, *Nivellense*, *Novesiense*, *Obermünstrense* apud Ratisbonenses, *Romaricense* apud Lotharingos, *Susterense*, *Thoreense*, *Vredense*, *Willichianum* &c. &c. contra omnium AA. de illis agentium sententiam à Capite *Indemnitatibus* sint exempta; quia pleraque omnia Canonissarum Secularium Collegia, quæ tempore Bonifaciano aderant, mixta fuere. Vid. Num. 150. maximè insignia & præcipua. Vid. Num. 174. Nam *simplicia* plurimam partem post tempora Bonifacii, à tempestate turpissimi Lutheri, aurigante vel hæresi, vel liberioris vitæ ambitione, è Monachorum claustris, in qualiacunque Canonissarum Collegia emerferunt; ut docemus exemplis à Num. 169.

Nu. 141.  
Sequitur  
2dò, in  
principali-  
bus etiam  
Collegiis  
eligi posse  
Puellas  
quantilla-  
cunque  
ætatis.

Sequitur 2dò; quòd in omnibus illis Collegiis mixtis (*principalibus* sæpe, certè insignibus) sinè ullo ætatis respectu, juvenulæ maximè juvenes, eligi Abbatissæ queant; nam si illis non obstet *Caput Indemnitatibus*, nullum obstabit Jus. Non *Caput eum in cunctis §. inferiora de Elect.* quia si illud revera comprehendat Abbatissas, non porriget se ad Abbatissas Collegiorum mixtorum, utpote *Correctorium Canonis juvenulas. XX. q. 1.* requirentis Abbatissam sexagenariam: nec etiam obstabit ipse Canon *Juvenulas*, mox citatus; quia extra dubium jamdudum contrariâ consuetudine inumbratus est. Ergo nullum obstabit Jus. Plaudite ergo Septennes, Octennes, Novennes Virgunculæ, Canonissalis statûs Tyrunculæ, Nobiles Pupulæ! viam Vobis ad Abbatissales Dignitates, ad Imperii Principatus munierunt Romani Advocati, pro doctrinâ hac suâ lautissimo certè Minervali dignissimi! Ite nunc Domicellulæ, vix infantiam egressæ, & per qualem qualem Electionem, ad Andennensem, Andlowiensem, Eltinensem, Essendensem, Malbodiensem, Monasteriensem S. Fregandi, Montensem, Nieder-Münstrensem Nivel-

Collegiorū  
mixtorum



Nivellensem, Ober-Münstrensem, Secanicum, & Thorensem Abbatissatum & Principatum grassamini; sunt Romæ Advocati, qui hujusmodi Electionibus colorem valoris sciant allinere; sed ad hæc Monstra Vos, qui sapitis,

*Risum teneatis Amici.*

Sequitur tertio, quod toties errarit Rota, injusteque egerit, quoties factas à Maribus & Feminis vel super Abbatissatu, vel super aliis Dignitatibus masculinis aut femininis Electiones, vel circa ætatem, vel circa alias qualitates requisitas dijudicavit juxta Caput *Indemnitatibus*, vel juxta alia Jura; quia tales Electiones, utpote casus mixti, de quibus Jura expressè non agunt, sunt (ut dogmatizant Advocati Westerh.) casus in Jure omitti, adeoque exleges.

Sequitur quarto, quod toties Cancellaria, Dataria, & Secretaria Romana turpiter errarit & injuste egerit, quoties ob defectum 30. annorum, non absque magnis impensis seu juribus dispensavit in ætate Abbatissæ; & quoties in aliis defectibus vel Virorum vel Feminarum dispensationis gratiam impertiit, circa Collegia mixta, quia tales casus utpote mixti ex Magisterio Romanorum Advocatorum in Jure pro omittis habentur, adeoque non indigebant Dispensatione; hinc quidquid pecuniarum pro hujusmodi Dispensationibus ex Germaniâ Romam missitatum sæpenumero est, stultè in Tybrim est effusum.

Sequitur 5to, quod omnes Ordines Regulares mixti in suis Electionibus, aliisque actibus non sint subjecti Dispositioni Concilii Tridentini sess. 20. cap. 6. de Reform. requirenti in Abbatissâ ætatem *quadragesima annorum*; sed nec aliis Juribus; quia tales Electiones &c. in Collegiis *mixtis* sunt casus mixti in jure omitti; & TRIDENTINUM hoc loco, utpote correctorium Capituli *Indemnitatibus*, non extenditur ad Ordines mixtos; quia Jura correctoria se non extendunt ad casus mixtos. Ergo his Magistris, salvo Tridentino, salvo toto Jure Canonico (quorum neutrum, ut garrunt Defensores Westerholtici, casum mixtum tangit) poterit & Ordo S. Brigittæ Suevicæ, quia mixtus ex Maribus & Feminis teste Zypro Consult. Canon. L. 3. de Regularibus Consult. 17. n. 21. Et Ordo Fontis Ebraldi, qui mixtus est teste Pellizario in Manual. Regular. tract. 3. cap. 3. n. 3. Et totus Ordo Garmelitarum mixtus Abbatissam eligere, Puellam 20. imò 12. annorum, imò quamcunque plenâ ratione pollentem. Quæ portenta! ad quæ sanè totum corpus Juris, si non horrore, saltem risu concutitur.

Nec dicas juxta Tridentinum sess. 25. cap. 15. *In quacunque Religione tam Virorum, quam Mulierum Professio non fiat ante decimum sextum annum completum*; jam autem in Abbatissam eligi non possunt, quæ non sunt Professæ; adeoque in Abbatissas in Religionibus mixtis eligi non poterunt Personæ duodennes &c. nam facillimè, & cum Adversariis quodammodo è Tripode.

Respondeo, Tridentinum loc. cit. non agit de Religione *Mixtâ*, sed tantum de simplice Virorum vel Mulierum; & hinc, utpote correctorium Veteris Juris, se

K

non

Abbatissatus simili- que Princi- patus Ca- tholici.

Nu. 142. Sequitur 3to, errasse Rotam.

Nu. 143. Sequitur 4to, errasse Cancellariam, Datariamque Romanam.

Nu. 144. Sequitur 5to, omnes Ordines penè exleges esse.

Nu. 145. Recensentur Ordines mixti.

Nu. 146. Obiectio ex Tridentino refellitur.



non effundit ad Religiones mixtas ; proinde Religiones mixtæ nulli Juri positivo communi sunt obnoxia ex divinis ( si Diis placet ) Adversariorum principiis.

Nu. 147.  
Sequitur  
6to. nulla  
Beneficia  
Ecclesiastica, spe-  
ctantia ad  
Provisionem  
Collegiorum  
mixtorum  
esse reser-  
vata.

Sequitur sextò, quòd nullæ Dignitates Ecclesiasticæ, V.G. Præposituræ, Decanatus, Scholastiæ Virorum, nulla Beneficia Ecclesiastica in alternis mensibus vacantia, si pertineant ad Collationem, Electionem, vel Provisionem Capituli Mixti, aut juxta Regulas Cancellariæ, aut juxta Concordata Germaniæ, sint Reservata, quia juxta Aphorismos Adversariorum nec Regulæ Cancellariæ, nec Concordata Germaniæ agunt de hujusmodi casibus mixtis, in Jure omissis; maxime cum & Regulæ Cancellariæ, & Concordata correctoria sint Juris Veteris, vi cujus Ordinarii pro omni mense de Beneficiis providebant : & ipsæ Reservationes indubitatè sint correctoriæ Juris, adeoque non extendendæ. Triumphate itaque Collegia & Capitula mixta tam Canonissarum, quàm Monialium, omnibusque gaudiis incedite ; quia juxta doctrinam Partis Adversæ durum Reservationum jugum à Beneficiis ad Collationem, Electionem, Præsentationem, vel quamvis aliam Dispositionem vestram pertinentibus, amoliri potestis. Quare quoquo in posterum mense hujusmodi Dignitates vel Beneficia vacaverint, ea liberrimè conferte, quidquid in contrarium machinentur Provisi Apostolici ; sunt enim Advocati Westerholt. qui mirabili quâdam Chemicâ ex Mixtis eas vobis extrahent Medicinas, quibus omnes persanctis Juris nullitates. His Ducibus in campum si proceditis, spe victoriam devorare potestis ; Sed nolim equidem me victoriæ hujus vobis præstare Vadem, non ignarus, hujusmodi doctrinas, etsi pronò ut ajunt alveo, ex principiis Adversariorum fluant, merissimas tamen esse ineptias &, ut Plautus ait, *Perfolas Nugas.* (a)

Nu. 148.  
Sequitur  
ultimò,  
omnes Or-  
dines &  
Collegia, si  
mixta sint,  
omnia penè  
Jura elu-  
dere posse.

Sequitur denique omnes Religiones mixtas, omnia Collegia & Capitula mixta, in infinitis penè casibus ( in omnibus scilicet, in quibus Jura de Mixto nil expriment ) à Legibus positivis immunia esse ; adeoque ab his totum Corpus Juris, omnia Concilia, maxime Tridentinum, omnes Constitutiones Apostolicas facile eludi posse unico hoc Scuto ( quod Heptabocco Ajacis clypeo impenetrabilius erit ) nimirum quòd Casus mixtus ex Oraculo Advocatorum Westerholticorum in Jure pro omissis habeatur ; quas absurdissimas absurditates si Patroni Westerholtici æquo stomacho decoquere possint, næ illi stomachum habent quàm Struthio-Camelus fortiolem. Sed quid ad hæc Curia Romana ? dicit illud Lactantii 12. de Origin. Errorum cap. 6. *Indicium est argumenti ex falso petiti, ex quo ineptus & absurdus exitus resultat.*

§. QUAR-

(a) Plautus in Curcul. 4. 37.